

新刻痰火點雪

新刻痰火點雪卷之三

功集

金谿 應回龔居中 著

五弟 體圓 居乾 閱

六味丸方論

六味丸古人制以統治痰火諸證。又謂已病未病。並宜服之。此益深得病之奧者也。何則。痰火之作。始于水虧火熾。金傷絕其生化之源。乃爾。觀方中君地黃。佐山茱山藥。使以茯苓。牡丹皮。澤瀉者。則主益水清金。敦土之意。可知矣。蓋地黃一味。爲補腎之專品。益水之主味。孰勝此乎。夫所謂益水者。卽所以清金也。惟水足。則火自平。而金自清。有子令母實之義也。所謂清金者。卽所以敦土也。

惟金氣清肅。則木有所畏而土自實。有子受母蔭之義也。而山藥者。則補脾之要品。以脾氣實。則能運化水穀之精。後輸歸腎臟。而充精氣。故有補土益水之功也。而其山茱萸。芩。丹皮。皆腎經之藥。力助地黃之能。其澤瀉一味。雖曰接引諸品歸腎。然方意實非此也。蓋茯苓。澤瀉。皆取其瀉膀胱之邪。古人用補藥。必兼瀉邪。邪去則補藥得力。一闢一闔。此乃玄妙。後世不知此理。專一于補。所以久服。必致偏勝之害。六味之設。何其神哉。經曰。元則害。承廼制之論。正此謂也。謹按諸品性能。贅之分兩之下。以備學者之參考焉。

六味丸

治男子五勞七傷。精血虧損。遺盜汗。咳嗽失血。骨蒸潮熱。

虛羸瘦悴等證及治女人傷中胞漏下血瘀血諸候一切痰

火已病未病並皆治之

懷乾地黄

製入兩卽生地黃之乾者其法取懷慶者一斤擇肥者半斤洗淨晒令微燥以探下者洗淨木臼中搗絞汁盡

投酒更搗取汁拌前地黄日中晒或火烘乾惡銅鐵器爲末聽用其性氣味甘寒無毒主治男子五勞七傷補五臟內傷不足通血脈利耳目益氣力助心膽氣強筋骨長志安魂定魄治心脾損吐血動血涼血生血補腎水真陰虛骨髓長肌肉生精元素曰生則大寒而涼血熱者須用之熱則微溫而補腎血衰者須用之又臍下痛屬腎非熱地黃不能除乃通腎經之藥也又曰益腎水涼心血其脈洪實者宜之裏脈虛者則宜熱地黃假火力蒸九數故能補腎元氣仲景六味丸用之爲諸藥之首天一生水之源也湯液四物湯治藏血之臟以之爲君者癸乙同歸一治也又曰男子多陰虛宜用熱地黃女子多血熱宜用生地黃又云生地黃能生精血天門冬引入所生之處熱地黃能補精血用麥門冬引入所補之處虞氏云生地黃生血而胃氣弱者服之恐妨食熱地黃補血而瘵火多服之多者恐泥膈或云生地黃酒炒則不妨胃熱地黃姜汁炒則不泥膈此皆得

用地黃之  
精微者也

山茱萸肉

酒潤去核只取肉四兩氣味酸平無毒補腎氣壯元氣  
秘精氣助水臟煖腰膝興陽道堅陰虛添精補正老人  
尿多不節益精安五臟通九竅久服明目強力輕身延年王氏  
曰滑則氣脫澹則所以收之山茱萸止小便利秘精氣取其味  
酸澁以收滑也仲景入味  
丸用之爲君其性可知矣

淮乾山藥

四兩另末氣味甘溫平無毒主治傷中補虛去寒熱  
邪氣補中益氣力長肌肉強陰久服耳目聰明輕身不  
饑延年下氣止腰痛治虛勞羸瘦充五臟除煩熱補五勞七傷  
除冷風鎮心神安魂魄補心氣不足開達心孔多記事強筋骨  
主泄精健忘益腎氣健脾胃止瀉痢化痰涎潤皮毛凡人體虛  
而羸者加而用之又曰利丈夫助陰力熟煮和蜜或爲湯煎或  
爲粉並佳乾之入藥更妙惟不宜同麩食東垣曰山藥入手太  
陰仲景入味九用乾山藥以其涼而能補也亦治皮膚乾燥以  
此潤之吳氏曰山藥入手太陰二經補其不足清其虛熱然肺  
爲腎之上源源既有滋流豈無益此入味九所以用其強陰也  
又云食之可  
以辟露露

牡丹皮

用真者去骨令淨二兩微焙忌釵或口乾以銅刀切如

芩治五勞勞氣神志不足無汗之骨蒸動血吐血和血生血涼  
血治血中伏火除煩熱女子經脈不通血滯腰痛通關透脈  
元素曰牡丹乃天地之精爲群花之首葉爲陽發生也花爲陰  
成實也丹者赤也火也故能瀉陰中之火四物湯加之治婦  
人骨蒸又曰牡丹皮入手厥陰足少陰治無汗骨蒸神不足者  
手少陰志不足少陰故入味丸中用之治神志不足也又能治  
腸胃積血吐血動血必用之藥故犀角地黃湯用之李氏曰牡  
丹皮治手足少陰厥陰四經血分伏火益伏火即陰火也陰火  
即相火也古方惟以治相火故腎氣丸用之後人乃專以黃藥  
治相火不知牡丹皮之功更勝也此乃千載秘奧人所不知今  
補人亦罕悟宜分別之

雲白茯苓

去皮三兩氣味甘平無毒調臟氣伐腎邪長陰益力保

勞七傷開心志止逆安心神主肺痿痰壅心腹脹滿補五  
臟益脾胃治腎積奔豚丹溪曰陰虛者不宜用

新澤瀉

去根一兩五錢原三兩今減之氣味甘寒無毒主腎虛精  
自泄治五淋宣通水道入脣經去舊水養新水利小便滲

濕熱行痰飲養五臟益氣力肥健消水久服耳目聰明不廢  
年輕身面生光能行水上補虛損五臟痞滿起陰氣止泄精清  
玉瀉瀉逐膀胱三焦停水元素曰澤瀉乃除濕之聖入腎經治  
小便淋瀝去陰間汗無此疾服之令人目盲宗氏曰澤瀉之功  
長于利水扁鵲曰多服病人眼誠爲行去水也凡服澤瀉教人  
未有不小便多者小便既多腎氣安得復實今人止泄精多不  
敢用之八味丸用之不過接引挂附等藥就腎經別無他意本  
經曰久服明目扁鵲曰久服昏目何也易老曰去腎中留垢以  
其味鹹能潤伏水故也馮伏水去留垢故明目小便利腎經虛  
故昏目王履曰宗氏之說王氏隨之切謂八味丸以地黃爲君  
餘藥佐之非止補血兼補氣也所以陽旺則能生陰血也又按  
本草正誤謂弘氏曰仙經服食新穀皆用之亦云輕身能步行  
水上頌曰仙方亦單服澤瀉一物燻爛篩末水調日服六兩百  
日體輕而健行李氏曰神農書別澤瀉于上品復云久服輕身  
面生光能行水上與術云澤瀉久服能令人輕身日行五百里  
走水上一名澤芝陶蘇皆以爲從然愚切疑之澤瀉行水瀉腎  
久服且不可又安有此神功耶其謬可知孟子曰盡信書不如  
無書大抵六味丸用之無乃伐腎邪而已若以之配茯苓丹皮  
各三兩恐走泄太甚余故減半  
俟後之明哲以爲何如

右六味各如法製另末用白蜜四兩煉熟以前山藥末攪成  
乾糊爲丸梧子大每百丸清晨滾白湯或淡鹽湯下日二服  
若既病痰火諸證悉具者予加麥門冬二兩五味子一兩若  
相火熾盛咽乾口燥予加黃蘗知母各蜜炒二兩

### 大造丸方論

真球云紫河車卽胞衣也兒孕胎中臍系于胞胞系母命門受母  
之陰父精母血相應生成真元所鍾故曰河車雖愚後天之形實  
得先天之氣超然非他金石草木之類可比每每用此得效用之  
女人尤妙益本其所自出各從其類也若無子及多生女月水不  
調小產難產人服之必主多子危疾將絕者一二服可更活一二



日其補陰之功極重。百發百中。久服耳聰目明。髮髮烏黑。延年益壽。有奪造化之功。故名大造丸。用紫河車一具。男用女胎。女用男胎。初生者。米泔洗淨。新瓦焙乾。研末。或以淡酒蒸熟。曬研末。氣力尤全。且無火毒。敗龜板。年久者。童便浸二日。酥炙黃。二兩。或以童便浸過石上磨淨。蒸熟。搗研尤妙。黃蘗去皮。鹽酒浸炒。一兩半。杜仲去皮。酥炙。一兩半。牛膝去苗。酒浸晒。一兩。二錢。肥生地黃。二兩半。入砂仁六錢。白茯苓二兩。絹袋盛入瓦礮。酒煮七次。去茯苓。砂仁不用。杵地黃爲膏。聽用。天門冬去心。麥門去心。人參去蘆。各一兩。二錢。夏月加五味子七錢。各不犯鉄器。爲末。同地黃膏。入酒米糊。化如小豆大。每服八九十九。空心鹽湯下。冬月酒下。女人去

龜板加當歸二兩以乳煮糊爲丸男子遺精女人帶下並加牡蠣粉一兩

世醫用陽藥滋補非徒無益爲害非小蓋邪火只能動慾不能生  
物龜板黃蘗補陽補陰爲河車之佐加以杜仲補腎強腰牛膝益  
精壯骨四味通爲足少陰經藥名補腎丸也生地黃京血滋陰得  
茯苓砂仁同黃蘗則火陰自飛霞以此四味爲天一生木丸也天  
麥門冬能保肺氣不令火炎使肺氣下行生水然其性有降無升  
得人參則鼓動元氣有升有降故同地黃爲固本丸也又麥門冬  
人參五味子三味名生脈散皆爲肺經藥此方配合之意大抵以  
金水二臟爲生化之源加河車以成大造之功故也一人病弱陽

事大痿服此二料、身體頓異、連生四子、一婦年六十已衰、服此  
壽至九十、尤強健、一人病後不能作聲、服此氣壯聲出、一人病痿  
足不任地者、半年服此、後能遠行

痰火雜症補遺

頭痛眩暈

夫頭爲諸陽之首、左腦痛屬風、與血虛、風薄荷、荆芥、血虛川

芎當歸、右腦痛屬痰、蒼朮、半夏、屬熱、酒芩爲主、痛甚者

屬火、黃芩、玄參、頭痛須用川芎、如不愈、各加引經藥、大陽

川芎、陽明、白芷、少陽、柴胡、太陰、蒼朮、少陰、細辛、厥

陰、吳茱萸、如苦頭痛必加細辛、頂巔痛須用藁本、減川芎

如血氣兩虛頭痛調中益氣湯內加川芎二分 蔓荊子

細辛二分

其効如神

大抵痰火頭痛眩暈因火與痰者

多宜加玄參酒苓以清熱勿輕服川芎蔓荊子陳茶爲引更穩  
肩背及腰節痛

肩背痛不可廻顧者此太陽氣鬱而不行也以風藥散之脊痛  
項強腰似折項似拔者此是太陽經不通也肢節痛須用羌活  
如瘦人肢節痛是血虛宜四物內加羌活防風酒炒黃芩黃柏  
如倦怠無力肢節痛加黃芪人參

耳鳴及耳聾

耳聾皆屬於熱須用四物湯降火

耳鳴必用龍薈丸食後服 大抵此症因平昔飲酒厚味上焦  
素有痰火只作清痰降火治之爲當余治耳聾耳鳴每服還少  
丹一料効方見虛損

方古菴曰左耳聾者頰人多有之以其多忿怒故也右耳聾者男  
人多有之以其多色慾故也左右俱聾者膏梁之家多有之以  
其多肥甘故也

腰痛

經曰腰以下皆屬腎主濕熱腎虛 瘀血 痰積 挫閃 味  
大者腎虛 杜仲 龜板 酥炙 黃柏 知母 枸杞 北五  
味之類爲末猪脊髓和丸服 脉澁者瘀血用補陰丸加桃仁

紅花 脉緩者濕熱 蒼朮 杜仲 黃柏 川芎之類  
痰積者二陳加 南星 半夏 凡諸症屬火不可峻用寒涼  
藥腰痛必用鹿角膠。

痞脹

如稟受素弱轉運不調飲食不化而心下痞者宜用 白朮  
山楂 神曲 陳皮 心下痞須用只實 黃連 如肥人心  
下痞乃是濕痰宜 蒼朮 半夏 砂仁 茯苓 滑石 如  
瘦人心下痞乃是濕熱宜 只實 黃連 葛根 升麻 枳  
朮成窠囊而痞者用 桃仁 紅花 香附 山支子 大黃  
之類

吞酸

乃濕熱積于肝。而出伏于肺胃之間。必以吳茱萸炒黃連爲君。用二陳加此二味。冬月倍吳茱萸。夏月倍黃連爲丸。姜湯下。嘈雜惡心嘔吐。

嘈雜者。火動其痰也。宜二陳加黃芩青黛。惡心者。無物無聲。心中欲吐不吐者。是實。非心經之病。皆在胃口上。宜用生薑。佐諸藥能開豁胃痰也。嘔吐者。胃中有熱。膈上有痰。二陳湯加炒山支子黃連生姜。

喘及短氣

氣虛短氣而喘者。甚不可用苦寒藥。火氣盛故也。宜導痰湯。千

經湯。

見局方

陰虛自下小腹火起衝於上喘者宜降心火補陰。

有火痰者宜降心火清肺金。

諸喘不止者用椒目研末生薑

湯調下一二錢却止之後因痰治痰因火治火。

又法以羅白

子蒸熟爲君皂角燒灰等分共爲末生薑汁煉蜜丸每五七十

喻化止之氣虛短氣者用人參。

密灸

黃柏麥冬地骨皮之類治

喘症必用阿膠。

戴云痰喘者喘便有痰聲氣急喘者呼吸急促而無痰聲有胃氣虛喘者抬肩擷項喘而不休火炎上喘者乍進乍退得食則減食已則喘人抵胃中有實火膈上有稠痰。

凡喘症上喘下必脹要識標本先喘而後脹者主於肺則喘爲



本而腫爲標。治當清肺。金降氣爲主而行水次之。先脹而後喘者。主於脾。蓋脾土既傷不能制水。則邪反侵肺。氣不得降而生喘。此則腫爲本而喘爲標。治當實脾行水爲主而清金次之。  
煩燥

起卧不安睡不穩。謂之煩。法宜清肺去痰。宜施豉湯竹葉石膏湯。一方見傷寒門燥者。顛狂恍惚之狀。宜硃砂安神丸。見局方

諸虛百損

頭目昏花四肢痿軟無力羸瘦不長肌肉。少年氣血兩虛。色欲過度耳鳴者。宜服補陰丸。甚者大補陰丸。六味地黃丸更穩。或瓊玉膏。中年氣血兩虛者。宜十全大補湯。

天王補心丹

老年血氣虛損者宜古菴心腎丹

還少丹右

方俱見古方

括山

諸症補遺大都痰火症中所必有者採擇數效亦須以主治方中  
隨所見証依經絡量加一二味以治其標可也其間有闕畧者以  
俟後之君子參補焉

痰火厥症

一痰火嘔血成益而過多者不思飲食肌肉漸削者此心氣已絕  
厥不治

一痰火左脇痛不能轉身者此乃肝葉已乾名爲乾血痛肝經已  
絕厥不治右脇痛服清肺化痰藥不止夜不能卧者此肺絕之

候不治。

一痰火喉痛。此胆火上炎。用治喉藥不効。至生瘡破皮。乃重攻咽。此瘵疾之不可救者。死不治。

一痰火聲啞。乃肺經已絕。死不治。

一痰火噤尖無肉。此脾經已絕。死不治。

一痰火泄瀉。飲食不化。此胃氣已絕。死不治。

一痰火咳逆吐食者。此胃火熾甚。脾氣受傷。多致不救。

### 痰火脈

按痰火之脈。以浮而芤濡虛大遲緩無力。沉而遲澀結代無力。皆虛而不足。外證自汗短氣喘促。或肢厥者。皆屬脾肺腎三臟俱虛。

脈合其證此受補者也。若脈來絃長緊實外證痰實氣壅喘咳或煩或熱或咽痛或復見諸血此爲陰虛火動脈不合證此不受補者也。又按脈經曰骨蒸發熱脈數而虛熱而澹小必殞其軀。又曰勞極諸虛浮濡微弱。土敗蠶絃火炎急數。又曰諸病失血脈必見芤緩小可喜數大可憂。又曰病熱有火洪數可醫。沉微無火無根難醫。此皆言脈證之宜忌也。凡有干於痰火癆瘵之脈悉詳附之于后。惟不切于此證者乃摘之。

浮

浮脈法天有輕清在上之象。在卦爲乾。在時爲秋。在人爲肺。又曰毛太過則中取。旁虛如循雞羽。病在外也。不及則氣來毛微病在

中也。脈訣言尋之如大過，乃浮兼洪緊之象，非浮脈也。

主病 浮脈爲陽，主表有力表實，無力表虛。浮遲中風，浮數風熱。

浮緊風寒，浮緩風溫，浮虛傷暑，浮芤失血，浮洪虛熱，浮散勞極。  
寸浮主頭痛眩暈，或風痰在胸。關主土衰木旺，尺主後便不通。

### 沉

沉脈法地，有淵泉在下之象。在卦爲坎，在時爲冬，在人爲腎。又爲石，亦曰營太過，則爲彈石。按之益堅，病在外也。不及則氣來虛微，去如數者，病在中也。脈訣言緩度三關，狀如爛綿者，非也。沉有緩數各部之沉，爛綿乃弱脈，非沉也。

主病 沉脈主裏，有力裏實，無力裏虛。沉則爲氣沉，清氣鬱，沉弱。

寒熱沉緩寒溫沉緊冷痛沉牢冷積寸沉痰將水停關沉主中  
寒腹痛尺沉主遺精白濁泄痢腎虛腰痛

遲

遲爲陽不勝陰故脈至不及脈訣言重手乃得是有沉無浮一息  
三至甚爲易見而曰隱隱狀且難是瀉脈矣其謬可知然三至爲  
遲有力爲緩無力爲虛有止爲結遲甚爲敗浮而爽爲虛黎氏曰  
遲小而實緩大而慢遲爲陰盛陽虛緩爲衛盛營弱宜別之

主病 遲脈主臟有力冷痛無力虛寒浮遲表寒沉遲裏寒且主  
多痰沉痼癥瘕寸遲則上焦有寒關遲則中寒腹痛尺遲則後  
溼不禁腎虛腰痛重者

數

數爲陰不勝陽故脈來太過一息六至是也浮沉遲數脈之綱領數而絃爲緊流利爲滑數而有止爲促數甚爲極數見關中爲動脈。

主病 數脈主腑有力爲實爲熱宜瀉無力爲虛火爲相火宜補浮數表熱沉數裏熱氣口數實病肺癰數虛爲肺痿寸數咽喉口舌生瘡吐血咳嗽或肺生癰關數胃火肝火尺數則腎虛宜滋陰降火。

滑

滑爲陰氣有餘故脈來流利如水脈者血之腑也血盛則脈滑故

腎脈宜之氣盛則脈澹故肺脈宜之脈訣云按之即伏三關如珠不進不退是不分浮滑沉滑尺寸之滑也今正之

主病 滑脈爲陽主元氣虛寒痰飲宿食吐逆蓄血女子經調有孕寸滑主嘔痰嘔吐吞酸舌強或咳嗽關滑主宿食肝脾積熱尺滑則渴痢癰淋又曰滑主痰飲浮滑風痰沉滑食痰滑數痰火滑短宿食脈訣言關滑胃寒尺滑膈冷與脈經言關滑胃熱尺滑血蓄婦人經病之旨相反其謬如此

澹

澹爲陽氣有餘氣盛則血少故脈塞澀而肺脈宜之脈訣言指下尋之似有舉之全無與脈經所云絕不相干又曰細而遲短往來



難短且散一止復來。差年不調。如輕刀刮竹。如雨沾沙。如病蚕食葉。又曰細遲短散時一止曰濇。極細而更重按若絕曰微。浮而柔細曰濡。沉而柔細曰菴。

王病 濇主血少。傷精。反胃。亡陽。多汗。管中寒濕入管。血痺。婦人非孕無經。寸濇。主心虛。胸痛。關則胃虛。脅脹。尺爲精血俱傷。腸結。澀淋。或爲下血。又曰濇主血少。傷精之病。女人有孕爲胎病。無孕爲敗血。杜氏曰濇脈獨見尺中。形同代爲芤脈。

大

脈形寬大有力爲洪。大無力爲虛。

主病 大則病進。爲元氣之賊。浮大表病。沉大裏病。惟緩而大則

爲正脈也。

緩

緩脈小駛于遲。一息四至如絲在經。不卷其軸。應指和緩。往來甚勻。如初春楊柳舞風之象。如風輕沾柳梢。緩脈在卦爲春。在時爲四季。在人爲脾。陽寸陰尺。上下同等。浮大而爽。無有偏勝者。平脈也。若非其時。卽爲有病。緩而和平。不浮不沉。不徐不疾者。卽有胃氣。故杜氏云。欲知死期。何以取。先賢推定五般土。陽土須知不過陰。陰土過陰。當細數。

主病 緩脈。主營氣衰。衛氣有餘。或風。或濕。或脾虛。上主項強。下

主痿痺。寸緩主項背拘牽。關主風眩。胃家虛弱。尺主濡泄。或風

秘脚弱無力。又曰浮緩爲風。沉緩爲濕。緩大風虛。緩細濕痺。緩

清脾虛。緩弱風氣。脈訣言緩。主脾熱口臭反胃齒痛夢鬼之病。

出自杜撰與後無關。

浮大而裏按之中空。兩邊實。又曰中空外實。狀若蔥蔥。劉氏芫脈  
何似。絕類蔥蔥。指下成筥。有邊無中。戴氏云。營行脈中。脈以血爲  
形。芫脈中空。脫血之象也。又曰芫形浮大。裏如蔥。按之旁有中央  
空。火犯陽經。血上溢。熱侵陰絡。下流紅。脈經云。三部芫脈。長病得  
之生。卒病得之死。脈訣云。兩頭有。中間無。是脈斷絕矣。又言主淋  
澁氣入小腸。與失血之候相反。誤世不小。

主病 寸主胸中積熱。關主腸內生癰。尺主下血赤淋。紅痢崩中。

濡

濡脈極裏而浮。細如帛在水中。輕手相得。按之無力。如水上浮。漚謂如帛浮水中。重手按之隨手而沒之象。脈訣按之似有。舉之還無。是微脈非濡也。又曰。濡形浮細。按須輕水而浮。綿力不禁。病後產中。從有藥。平人若見。是無根。浮細如綿曰濡。沉細如綿曰弱。浮而極細曰微。沉而極細不斷曰細。

主病 濡主亡血陰虛。丹田髓已虧。盜汗血崩。濕氣侵脾。寸濡主陽微自汗。關主氣虛。尺主傷精脫血。寒甚。法宜溫補。大都濡主血虛之病。又爲傷濕。

弱

極爽而沉按之乃得。舉手全無。又曰弱乃濡之沉者。脉訣言。黎氏譬如浮瀉。皆是濡非弱也。素問曰。脉弱以滑。是有胃氣。脉弱以澀。是爲久病。病後老弱見之。順乎人。少年見之。逆。又曰弱來血力按之柔。柔細而沉不見浮。陽陷入陰。精血弱。白頭猶可。少年愁。

主病

弱脉主陰氣虛。陽氣衰。惡寒發熱。筋骨痠軟。多驚多汗。精

神減少。法當益氣調營。寸主陽虛。關主胃弱。脾衰。尺主陽陷。陰

虛。又曰弱主氣虛之疾。仲景曰。陽陷入陰。故惡寒發熱。又曰弱

主筋沉。主骨陽浮。陰弱。血虛筋悉。柳氏曰。氣虛則脉弱。寸弱陽

虛。尺弱陰虛。關弱胃虛。

虛

遲大而與按之無力隱指豁豁然空崔氏曰形大力薄其虛可知  
脈訣言壽之不足舉之有餘止言浮脈不見虛狀楊氏曰狀似柳  
絮散漫而遲滑氏言散大而濡皆是散脈非虛也又曰舉之遲大  
按之鬆脈狀無涯類谷空莫把芤虛爲一例芤遲浮大似慈葱又  
曰虛脈浮大而遲按之無力芤脈浮大按之中空芤主脫血虛主  
血虛

主病 脈虛身熱主傷暑自汗怔忡驚悸陰虛發熱法當養營益  
衛寸主血不營心關腹脹以食入主骨蒸痺痿傷精脫血經曰  
血虛脈虛曰氣來虛微爲不及病在內日久病脈虛者死

細

細脈小下微而常有。細直而栗若絲線之應指。素問謂之小。王氏言如莠蓬狀其柔也。脈訣言往來極微是微反大於細矣。與經相背。又曰細來纍纍細如絲應指沉沉無絕期。春夏少年俱不利。秋冬老弱却相宜。

主病 細主血弱氣衰。諸虛百損。七情六極。非濕侵腰腎則傷精。汗血寸主嘔吐。關主膨脹。胃虛尺主丹田冷。泄痢遺精。陰血耗奪。脈經言細爲血少氣衰。有此證則順否則逆。故吐衄脈得沉細者生。憂勞過度者脈亦細。

結

結脈往來緩時一止復來脈訣言或來或去聚而却還與結無關仲景有藥藥如循長竿曰陰結藹藹如車益曰陽結脈經又有如麻子動擺旋引旋收聚散不常有曰結主死此三脈名同實異也又曰結脈緩而時一止獨陰偏盛欲亡陽浮爲氣滯沉爲積汗下分明在主張。

王病 結脈主血凝氣滯老痰結滯內積外癰腫肺又曰結主陰盛之病越人曰結甚則積甚結微則積微浮結外有痛積伏結內有積聚。

代

代脈動而中止不能自還因而復動脈至還入尺良久方來脈一



息五至肺心脾肝腎五臟之氣皆息五計動而六息谷太谷之數  
謂之平脈反此則止乃見焉腎氣不能至則四十動一止肝氣不  
能至則三十動一止蓋一臟之氣衰而他臟之氣代至也經曰代  
則氣衰滑氏曰若無他病羸瘦脈代者危脈也有病而氣血作損  
氣不能續者抵菑病脈傷寒心悸脈代者復脈湯臣之維脈脈代  
者其胎百日代之生死不可不辨李氏括曰數時一止名爲促緩  
止須將結脈看止不能回方是代結生代死自殊塗又曰促結之  
止無常數或二動三動一止卽來代脈之止有常數必依數而止  
還入尺中良久方來也。

三主病 代脈元因臟氣衰腹瀉泄瀉下元虧或爲吐瀉中宮病女

子懷胎三月分脈經曰代散者死主泄及脈亂

促

促脈來去數時一止復來如蹶之趣徐疾不常脈經但言數而止  
爲促脈訣乃云分居寸口不言時止者謬矣數止爲促緩止爲結  
何獨寸口哉李氏曰促脈數時來一止此爲陽極欲亡陰二焦鬱  
火炎炎盛焦必無生退可生

主病 促脈惟辨大病醫其因有五細推之時時喘咳者痰積或  
發狂斑與毒疽又曰促主陽盛之病促結之因皆有氣血痰食  
飲五者之別一有留滯則脈見止也

弦

弦脈端直以長如張弓。絃按之不移。綽綽如按琴瑟。絃狀若筆。絃從中直過。挺然指下。絃脈在卦爲震。在時爲春。在人爲肝。輕虛以滑者平。實滑如循長竿者病。勁急如新張弓。絃者死。池氏曰。絃緊而數。勁爲大過。絃緊而細。爲不及。戴氏曰。絃而軟。其病輕。絃而硬。其病重。脈訣言。時時帶數。又曰。脈緊狀繩牽。皆非絃象。今削之。又曰。土衰木旺。多怒欲叫。精霧泪出。李氏曰。弦來端直似絲。絃緊則如繩。左右彈緊。言其力。絃言象。牢緊。絃長。沉伏間。

主病 絃爲肝膽之脈。主痰飲。寒熱癰疾。又主血弱勞傷。胃虛停飲。骨脅疼痛。肢體拘急。多驚。單弦病輕。雙弦惡痛。寸絃頭痛。多痰。左關絃。主寒熱癰瘕。右絃。主胃寒。心腹痛。尺主陰痰。腳疾。拘

李又曰絃爲木盛之病浮弦文飲外溢沉絃懸散內痛癉脈自絃絃數多熱絃遲多寒絃大主虛絃細拘急陽絃頭痛陰絃腹痛單絃飲醉雙絃寒癉若不食者木來尅土病必難治

### 緊

緊脈來往有力左右彈人手如轉索無常數如切繩如糾單線又曰緊乃熱如爲寒來之脈故急數如此要有神氣素問謂之急脈訣言寥寥人尺來崔氏言如線皆非緊狀或以浮緊爲絃沉緊爲牢亦近似耳又曰舉如轉索如切繩脈象因之得緊名揔是寒邪來作寇內爲腹痛外身疼

主病 緊主諸痛爲寒喘咳風癉冷痰浮緊表寒沉緊裏寒火迫

緊盛傷寒。氣口緊盛傷食。關王心腹疼痛。尺主陰寒。奔豚疝瘕。  
又曰浮緊中惡。沉緊效嗽。

實

實脈浮沉皆得。脈大而長微絃。應指愒愒然。愒愒監實貌。脈訣言  
如繩應指來。乃緊脈非實也。又曰浮沉皆得大而長。應指無虛愒  
愒強熱。纏三焦成壯大。通腸發汗始能康。又曰實脈浮沉有力強。  
緊如彈索。轉無常。須知牢脈幫筋骨。實大微絃更帶長。

主病 實脈爲陽大鬱成。發狂譫語吐瀉頻。爲陽毒或傷食。大便  
不通或氣疼。才實主百赤生風。咽痛舌強。骨中氣塞。屬主脾熱。  
中滿。又主腰腹腸間。痛而不通。經曰血實脈實。日脈實者水穀

爲病。曰氣來實強。是爲太過。脈訣言尺實小便不禁。與脈尺實  
小腹痛小便難之說。何及。潔古不知其謬。訣爲虛寒。用姜附愈  
悞矣。

長

長脈不大不小。迢迢者。如循長竿。未稍爲平。如引繩。如循長竿曰  
病。又曰長有三部之長。一部之長。在時爲春。在人爲肝。心肝長神  
強壯。腎脈長蒂固根深。經曰長則氣治。皆言平脈也。又曰過于本  
位。脈名長。絃則非然。但滿張。絃脈與長爭較遠。良工尺度自能量。  
實牢絃緊皆兼長脈。

主病 長脈迢迢大小勻。反常爲病似牽繩。若非陽毒癰癩病即

是陽明熱勢深。大都長。主有餘之病。

### 洪

洪脈指下極大。來盛去衰。洪脈在卦爲離。在時爲夏。在人爲心。素問謂之大。亦曰鉤。滑氏曰來盛去衰如鉤之曲上而復下。應血脈來去之象。象萬物敷布下垂之狀。詹氏謂如環珠者非。脈訣云季夏宜之。秋季冬季發汗通腸俱非。洪脈所宜。蓋謬也。李氏曰脈來洪盛去還衰。蒲指滔滔應夏時。若在春秋冬月。分升陽散大莫欲疑。又曰洪脈來時拍拍然。去衰來盛似波瀾。欲知實脈參差處。舉按絃長幅幅堅。

### 主病

脈洪陽盛。血應虛。相火炎炎。熱病居。脹滿。胃翻。須早治。陰

虛泄痢可愁如寸洪心火上焦炎。肺脈洪時金不堪。肝火內虛  
關內察腎虛陰火尺中看。又曰洪主陽盛陰虛之病。泄痢失血  
久嗽者忌之。經曰形瘦脈大多氣者死。又曰大則病近。

### 微

微脈極細而爽。按之如欲絕。若有若無。細而稍長。素問謂之小氣。  
血微則脈微。又曰輕診可見。按之欲絕者。微也。往來如線。而常有  
者。細也。仲景曰。脈瞥瞥如羹上肥者。陽氣微。縈縈如蛛絲細者。陰  
氣衰。長病得之死。卒病得之生。

主病 氣血微者。脈亦微。惡寒發熱。汗淋漓。胃脘勞極。諸虛候。女  
作崩中帶下。醫寸微氣促。或心驚。關脈微時。脹滿形。尺部見之。



精血弱。惡寒消痺痛呻吟。又曰微主久虛。血弱之病。陽發惡寒。陰微發熱。脈訣云。崩中日久成白帶。漏下多時首木枯。

動

動乃數脈見于上下。血頭血尾。如豆厥厥動。搯伸景曰。陰陽相搏。名曰動。陽動則汗出。陰動則發熱。形冷惡寒。此三焦傷也。成無己曰。陰陽相搏。則虛者動。故陽虛則陽動。陰虛則陰動。龐氏曰。關前三分爲陽。關後三分爲陰。當關之位。半陰半陽。故動由虛見。又曰。動脈搖搖。數在關。無頭無尾。豆形圓。其原本是陰陽搏。虛者搖兮。勝者安。脈訣言。尋之似有。舉之還無。不離其處。不往不來。三關沉沉。含糊謬妄。殊非動脈。詹氏言。其形鼓動如鉤。如毛者。尤謬。

主病

動脈專司痛與驚汗因陽動熱因陰或爲泄痢拘牽病見

于亡精女子筋。

牢

牢脈似沉似伏實大而長微絃扁鵲曰牢而長者肝脈也仲景曰寒則牢堅有牢固之象沈氏曰似沉似伏牢之位也實大絃長牢之體也脈訣不言形狀但云尋之則無按之則有云脈入皮膚辨息難又以牢爲死脈皆孟浪謬誤李氏曰弦長實大脈牢堅牢位常居沉伏間革脈乳絃自牢起革虛牢實要詳看

主病

寒則牢堅裏有餘腹心寒痛木乘脾疝癩癥瘕何愁也失

血陰虛却忌之。又曰牢主寒實之病木實則爲痛扁鵲云。頭爲

虛牢爲實。失血者。脈宜沉細。反浮大而牢者死。虛病見實脈也。  
脈訣言。骨間疼痛。氣居于表。池氏以爲腎傳于脾。皆謬妄不經。

### 散

散脈大而散。有表無裏。渙漫不收。無統紀。無拘束。至數不齊。或多  
來去少。或去多來少。渙漫不收。如楊花散漫之象。又曰散似楊花  
散漫。龍去來無定。至難齊。產爲生兆。胎爲墮。久病逢之。不必醫。戴  
氏曰。心脈浮大而散。肺脈短澹而散。平脈也。心脈奕散怔忡。肺脈  
奕散汗出。肝脈奕散溢飲。脾脈奕散脘腫。病脈也。若腎脈奕散。諸  
病脈代散。死脈也。難經曰。散脈獨見則危。柳氏曰。散爲氣血俱虛。  
根本脫離之脈。產婦得之。生。孕婦得之。墮。李氏曰。散脈無拘散漫。

然濡來浮細水中綿浮而遲大爲虛脈。孔脈中空有兩邊。

至病 左寸怔忡右寸并。溢飲左關應散漫。右關更散脈腫滯。散

居兩尺竟應斷。

### 診壽數

戴氏曰。脈必滿十動。出自難經。而脈訣五臟歌。皆以四十五動爲準。垂于經旨。柳氏曰。古以動數候脈。是喫緊語。須候五十動。乃知五臟缺失。令人指到腕臂。卽云見了。夫五十動。豈彈指間事耶。故學者當診脈。問證。聽聲。觀色。斯備四診而無失。

五十不止身無病。數內有止皆知定。四十一止一臟絕。四年之後多亡命。三十一止卽三年。二十一止二年應。十動一止一年。

更觀氣色兼形證。

兩動一止三四日三四動止應六七五六一止七太朝。次第推之自無失。

六臟六腑用藥氣味補瀉

肝膽

溫補京瀉  
辛補酸瀉

心小腸

熱補寒瀉  
酸補甘瀉

脾大腸

涼補溫瀉  
酸補辛瀉

腎膀胱

寒補熱瀉  
苦補酸瀉

脾胃

蒸熱補寒涼瀉冬從三焦  
命門同心其補苦瀉其宜

張元素曰五臟更相平也。一臟不平所勝平之故云。安穀則昌。絕穀則亡。水去則營散。穀消則衛亡。神無所居。故血不可不養。衛不可不溫。血溫氣和營衛乃行。常有天命。

五臟五味補瀉

肝○苦急○急食甘緩之

甘草以酸瀉之

赤芍

實則瀉其子

肝草

○欲散○急食辛以散之

川芎以辛補之

細辛

虛則補其母

地黃

心○苦緩○急食酸以收之

五味以甘瀉之

甘草

實則瀉其子

甘草

○欲奠○急食鹹以奠

羊脂以鹹補之

澤瀉

虛則補其母

生薑

脾○苦濕○急食以燥之

白朮以苦瀉之

黃連

實則瀉其子

桑白皮

○欲緩○急食甘以緩之

炙甘草以甘補之

人參

虛則補其母

煨薑

肺○苦氣逆○急食苦以泄之

訶子以辛瀉之

桑白皮

實則瀉其子

澤瀉

○欲收○急食酸以收之

芍藥以酸補之

五味

虛則補其母

五味

腎○苦燥○急食辛以潤之

黃藥以鹹瀉之

澤瀉

實則瀉其子

芍藥

○欲墜惡食苦以堅之。知母以苦補之。黃藥虛則補其母。五味  
張元素曰。凡藥之五味隨五臟所入而爲補瀉。亦不過因其性而  
調之。酸入肝。苦入心。甘入脾。辛入肺。鹹入腎。辛主散。酸主收。甘主  
緩。苦主墜。鹹主硬。辛能散結潤燥。致津液通氣。酸能收緩斂散。甘  
能緩急調中。苦能燥濕墜硬。鹹能硬堅。淡能利竅。○李氏曰。甘緩  
鹹收。苦燥。辛散。鹹硬。淡滲。五味之本。性一定而不變者也。其或補  
或瀉。則因五臟四時而迭相施用者也。溫涼寒熱四時之本性也。  
其子五臟補瀉亦迭相用也。此特潔古張氏因素問飲食補瀉之  
義舉數藥以爲例耳。學者宜因意而充之。

臟腑虛實標本用藥式

◎肝藏血屬木。膽火寄于中。主血。主目。主筋。主唾。主怒。  
本病諸風眩暈。僵仆強直。驚悸。兩脇腫痛。胸脇滿痛。嘔血。小腹疝。  
痛。痲瘦。女人經病。

標病寒熱癰頭痛吐涎目赤面青多怒耳閉頰腫筋牽卵縮丈夫  
癩女人少腹腫痛陰病。

有餘瀉之

瀉子

甘草

行氣

香附

芍藥

瞿麥

行血

紅花

鱉甲

桃仁

義木

京三稜

穿山甲

鎮驚

雄黃

金箔

珠珀

真珠

代赭石

夜明砂

胡桐

銀箔

銀箔

歸丹

龍骨

石決明

石決明



搜風

羌活 防風

荊芥 皂角

赤荷 烏頭

槐子 白附子

蔓荆子 僵蚕

白花蛇 獨活

獨活

不足補之

補母

枸杞 苦參

杜仲 菴藟

狗脊 阿膠

熟地黃 兔系子

白芍

補血

當歸 血竭

牛膝 沒藥

續斷 芫花

白朮

菊花

細辛

補氣

天麻 蜜蒙花

栝子仁 決明

白朮

穀精草

生薑

生薑

本熱寒之

瀉木

芍藥 澤瀉

烏梅

瀉火

黃連 苦茶

龍胆草 猪胆

黃芩

攻裏

大黃

標熱發之

和解

柴胡

半夏

解肌

桂枝

麻黃

◎心藏神爲君火。包絡爲相火。代君行令。主血。主言。主汗。主笑。

本病諸熱。昏愵。驚或譫語。煩亂。啼笑。罵詈。怔忡。健忘。自汗。諸癆。

瘡瘍

標病。肌熱。惡寒。戰慄。舌不能言。面赤。目黃。心煩。熱。胸脇滿痛。引腰。

昔時條

火質瀦之

瀦子

黃連

大黃

氣

甘草

人參

赤茯苓

木通

黃蘗

血 丹參 丹皮 生地黃 玄參

鍾驚 朱砂 牛黃 紫石英

神虛補之

補母 細辛 烏梅 酸棗仁 陳皮 生薑

氣 桂心 澤瀉 白茯苓

血 伏神 遠志 石首白蒲 當歸 乳香 熟地黃 沒藥

本熱寒之

瀉火 黃芩 竹葉 麥冬 芍藥 炒鹽

涼血 地黃 梔子 天竺黃

標熱發之

微火

甘草

獨活

麻黃

柴胡

龍腦

◎脾藏智。屬土。爲萬物之母。主營衛。主味。主肌肉。主四肢。本病諸濕腫脹。痞滿噎氣。大小便閉。黃疸痰飲。吐瀉霍亂。心腹痛。

飲食不化

標病身軀。脘腫重困。嗜臥四肢不舉。舌本強痛。九竅不通。

土實瀉之

瀉子

訶子

防風

桑白皮

葶藶

吐

豆豉

梔子

蘿蔔子

常山

瓜蒂

鬱金

下

荳汁

藜蘆

苦參

赤小豆

葶藶湯

苦茶

土虛補之

芫花

芸硝

青礬石

大戟

甘遂

續隨子

氣

人參

黃耆

升麻

葛根

甘草

陳皮

血

藿香

葳蕤

縮砂

木香

扁豆

大棗

本濕除之

燥中宮

白朮

蒼朮

橘皮

半夏

吳茱萸

南星

潔淨府

木通

赤茯苓

術苓

藿香

標濕滲之

開鬼門

葛根

蒼朮

麻黃

獨活

◎肺藏魄。屬金。攝一身之氣。主膈。主哭。主皮毛。

本病諸臍。諸痿。喘。嘔。氣促。咳嗽。上逆。效。唾。膿。血。不得臥。小便數。

而久。遺失不禁。

標病灑浙寒熱傷風自汗肩背痛冷瀉雙痢瘰癧

氣實瀉之

瀉子

澤瀉 葶藶 桑白皮 地骨皮

除濕

半夏 白礬 白茯苓 薏苡仁 木瓜 橘皮

瀉火

粳米 石膏 寒水石 知母 訶子

通滯

枳殼 薄荷 乾薑 木香 厚朴  
杏仁 白朮 桔梗 蘇梗

氣虛補之

補母

甘草 人參 升麻 黃耆 山藥

潤燥

蛤蚧 阿膠 麥門冬 貝母  
天門冬 百合 天花粉

欬肺

烏梅 栗壳 五味子 芍藥 五倍子

本熱滑之

清金

黃芩  
紫苑

知母  
天門冬

麥門冬

扈子

沙參

本寒濕之

溫肺

丁香  
益智

藿香  
縮砂

款冬花  
糯米

檀香  
百合

白豆蔻

標寒散之

解表

麻黃

葱白

紫蘇

◎腎藏志。爲天一之源。主聽。主骨。主二陰。

本病諸寒厥逆。骨痠腰痛。腰冷如冰。足脰腫寒。小腹滿急。疝瘕大。

便閉泄吐。利腥膿水液。澄徹清冷。不禁。油渴引飲。

標病發熱不惡熱。頭眩頭痛。咽痛舌燥。脊股後廉痛。

水強瀉之

瀉子

大戟 牽牛

瀉肺

澤瀉 猪苓 車前子 防己 茯苓

水弱補之

補母

人參 山藥

氣

知母 玄參 補骨脂 砂仁 苦參

血

黃蘗 枸杞 熟地黃 瑣陽 肉蓯蓉  
山茱萸 阿膠 五味子

本熱攻之

下

傷寒以陰證口燥咽乾大承氣湯

本寒溫之



溫裏

附子 乾薑 官桂 蜀椒 白朮

解表

麻黃 細辛 獨活 桂枝

標熱涼之

清熱

玄參 蓮翫 甘草 猪膽

◎命門爲相火之源。天地之始。藏精生血。降則漏。升則爲飈。主三焦元氣。

本病前後脛閉。氣逆裏急。疝痛奔豚。消渴。臺淋。精滲。精寒。赤白濁。溺血崩中帶漏。

火強瀉之

瀉相火

黃蘗 知母 犀角 地骨皮  
生地黃 茯苓 玄參 寒水石

火弱補之

益陽

附子

肉桂

益智

破故紙

沉香

制附子

川烏

麻黃

天雄

烏藥

陽起石

別突

巴戟天

丹砂

當歸

蛤蚧

覆盆

精脫固之

澁滑

杜蘅

芡實

金櫻子

五味子

遠志

蛤蚧

山茱萸肉

◎三焦爲相火之用。分布命門元氣。主升降出入。遊行天地之間。總飲五臟六腑營衛經絡。內外上下左右之氣。號中清之府。上主納中。主化下。主出。

本病諸脊癱。暴病暴死。暴瘡。躁擾狂越。譫妄驚駭。諸血溢。血泄。諸氣逆衝上。諸瘡瘍疔疹癰核。

上熱則喘滿。諸嘔吐酸。胃痞有痛。飲食不消。頭上出汗。

中熱則昏憒而瘦。解休中滿。諸脹腹大。諸病有聲。鼓之如鼓。上

下關格不通。霍亂吐利。

上寒則吐飲食。痰水胸痺。前後引痛。食已還出。

中寒則飲食不化。寒脹反胃。吐水濕不渴。

下寒則二便不禁。臍腹冷痙瘕。

標病惡寒戰慄如喪神守耳鳴耳聾。眩腫喉痺。諸病腫。悉酸驚駭。

手小指次指不用。

實火瀉之。

汗 麻黃 柴胡 葛根 荆芥 升麻  
薄荷 羌活 石膏

吐 瓜蒂 滌益 藜

下 大黃 芒硝

虛火補之

上 人參 天雄 桂心

中 人參 黃耆 丁香 木香 藜蘆

下 附子 桂心 硫黃 人參 沉香  
烏梅 破故紙

本熱寒之

上 黃芩 連翹 梔子 知母 玄參 石膏

中 黃連 連翹 生地黃 石膏

下 黃蘗 知母 生薑 石膏  
牡丹皮 地骨皮

標熱散之

解表

柴胡 細辛 荆芥 羌活 葛根 石膏

◎膽屬木爲少陽相火發生萬物爲決斷之官十一臟之主主同肝  
本病口苦嘔苦汁善太息澹澹如人將捕狀目昏不眠  
標病寒熱往來痞瘧胃脇痛頭額痛耳痛鳴聾瘰癧結核馬刀足

火指次指不用

實火瀉之

瀉膽

龍膽 牛胆 熊胆 生熟仁 生酸棗仁  
黃連 苦茶

虛火補之

溫膽

人參 細辛 半夏 炒熟仁 炒酸棗仁  
當歸 地黃

本熱平之

降火

黃連

黃芩

芍藥

連翹

甘草

鎮驚

黑錫

水銀

標熱和之

和解

柴胡

芍藥

黃芩

半夏

甘草

◎胃屬土。主容受。爲水谷之海。

主同脾

本病噎膈反胃中滿腫脹嘔吐瀉痢霍亂腹痛消中善饑不消食  
傷飲食胃管當心痛支兩脇

標病發熱蒸蒸身前熱寒熱狂譫語痺上齒痛口眼喎斜鼻痛鼽

衄赤

胃實瀉之

大黃 芒硝

濕熱

飲食

巴豆  
鴨金

神麴  
三稜

山楂  
輕粉

阿膠

礬石

胃虛補之

蒼朮 白朮

半夏

茯苓

橘皮

生薑

濕熱

乾薑 附子

草薢

官桂

丁香

兩豆蔻

寒濕

本熱寒之

降火

石膏 地黃

犀角

黃連

標熱解之

升麻 葛根

豆豉

解肌

◎大腸屬金。主變化。爲傳送之官。

本病大便閉結泄痢下血裏急後重疽痔脫肛腸鳴而痛  
標病齒痛喉痺頸腫口乾咽中如核懸卵自黃手大指次指痛宿  
食發寒慄

腸實瀉之

熱

大黃 芒硝 槐花 牽牛 巴豆 郁李仁

氣

枳殼 木香 橘皮 檳榔

腸虛補之

氣

白芍

燥

木槲仁 麻仁 杏仁 地黃 乳香 杏仁 當歸  
肉蓯蓉



濕 白朮 蒼朮 半夏 硫黃

陷 升麻 葛根

脫 龍骨 白堊 訶子 栗殼 烏梅 白礬  
赤石脂 禹餘糧 石榴皮

本熱寒之

清熱 秦艽 槐角 曲黃 黃芩

本寒濕之

溫裏 乾薑 附子 肉豆蔻

標熱散之

解肌 石膏 白芷 升麻 葛根

◎小腸主分泌水穀利小便短小便閉小便血小便自利大便後

血。小腸氣痛。宿食夜熱。且止。

標病身熱惡寒。嗌痛。頰腫。口糜。耳聾。

實熱瀉之

氣 木通 薊苓 滑石 瞿麥 澤瀉 燈草

血 地黃 蒲黃 赤茯苓 芎藭 牡丹皮

虛寒補之

氣 白朮 揆實 茴香 砂仁 神麴 扁豆

血 桂心 玄胡索

本熱寒之

降火 甘黃藥 茵苈 黃連 連翹 芎藭

標熱散之

藥本 羌活 防風 蔓荊

解肌

◎膀胱主津液爲泡之府氣化乃能出號州都之官諸病皆干之本病小便淋瀝或短數或黃赤或白或遺失或氣痛標病發熱惡寒頭痛腰脊強鼻窒足小趾不用

實熱瀉之

瀉火

消石 楮本 澤瀉 茯苓

下虛補之

黃藥 知母

熱

寒

桔梗 升麻 益智 烏藥 山茱萸

原缺